

Музей жәдігерлерінің маңызы зор



Қандай мекенге барма-сын қонақтардың соқпай кетпейтін орындарының бірі ұл - музей. Елді мекеннің өткені мен бүгінгісін осы музей арқылы танысың. Кіші отаныңның тарихын терең білу парызың. Өзің мекен етіп жатқан өлкенің құрылу кезеңі, берілген атауы, оның ауа-райы, жер бедері, байлығы туралы мәліметтермен кім-кімде жас кезінен таныс болуы керек.

Осындай мақсатта қазан айында Арқалық қаласындағы Б. Алтынсарин атындағы гимназия мен Кейкі батыр атындағы № 4

жалпы орта білім беретін мектептің оқушылары Жанкелді ауданы, Торғай селосындағы музейлерді аралап, саяхаттап қайтты. Оған 8-9 сынып оқушыларының 15 оқушысы қатысты. Саяхаттың танымдық тағылымы мол болды.

Торғай селосында музейлер керуені қалыптасқан. Бірінен-бірі өтеді. Республика көлеміне танымал 5 музей қатары әлі де толығы түсуде. Оқушылар кіші әлем саяхатын жасаған жолдан кез, қазақ даласындағы алғашқы туризмге жол салушы - Әліби Жанкелдинге арналған, қазақтың аса көрнекті ағартушы - педагогы - Ыбырай Алтынсарин, қазақ ақыны, қоғам қайраткері, ғалым - Ахмет Байтұрсынұлы мен аса көрнекті ағартушы, қоғам қайраткері, жалынды көсемсіз шебері - Міржақып Дулатұлы, қазақ халқының жоңғар шапқыншылығына қарсы азаттық күресінің қаһарманы - Шақшақ Жәнібек батырларға ар-

налған тарихи-мемориалдық музейлерді аралады. Аты әлемге әйгілі тұлғалардың өмір жолдары, тарихта қалдырған өшпес іс-әрекеттері, маңыздылығы мол мұраларымен, сондай-ақ, ел, жер тарихымен кеңінен танысты.

Музей қызметкері Жақсылықова Меруерт Қуанышқызы өзі бас болып, оқушыларды аралатып, жәдігерлер туралы сыр шертіп, тарихи оқиғаларды түсіндіріп, қызықты түрде әңгімелеп берді. Балалар қазақтың маңдайына біткен танымал тұлғаларымен танысуды алғашқы болып Б.Алтынсарин музейінен бастады. Бұл музейдің басты ерекшелігі және құндылығы деп айтуға болады, оның 1864 жылы ұлы ағартушының өзі алғаш шәкірттерді қабылдап партаға отырғызған, есігін айқара ашқан мектебінде орналасқандығы. Балаларға бұл тарихи шындық өте әсер етті.

Сонымен қатар оқушылар халық ақыны, «Торғайдың топжарғаны» атанған дүлдiлi Нұрхан Ахметбековке арналған музейге де бас сұқты. Онда ақынның өмір жолы, марапаттары, куәліктері, жүдделерімен қатар шығармашылығымен таныса алды.

Қайтар жолда 1916 жылғы ұлт-азаттық көтерілістің бірден-бір қолдаушысы, қарапайым қазақтың қорғаушысы болған Кейкі батырдың құрметіне арнайы көтерілген кесенеге соғып, батыр рухына бас иді. Оқушылардың саяхаттан көңілдеріне түйгені сөзсіз мол. Қазақтың қайсарлығы мен білімділігін паш еткен бабалар рухы сендерді әрдайым батыл қадамдарға бастай берсін!

Тамерлан ЖАЛЕЛОВ,
«Жас тілші» үйірмесінің мүшесі.